

Naziv suda: OSNOVNI SUD BRČKO DISTRIKTA BIH

Analiza pokazatelja iz statističkog izvještaja o poštivanju optimalnih i predvidivih rokova:

Iz Izvještaja o poštivanju optimalnih i predvidivih rokova za period od 01.01.-31.12.2024. godine proizilazi da je ovaj Sud u radu imao 11793 predmeta, od čega je završeno 6429 predmeta, i to 4848 predmeta u predvidivim rokovima, a 1581 predmet sa prekoračenjem predvidivog roka, dok je ostalo neriješenih 5364 predmeta, od čega je u 2183 predmeta već prekoračen predvidivi rok, a u 3181 predmet još nije prekoračen taj rok. Od ukupnog broja neriješenih predmeta 1387 predmeta čine izvršni predmeti.

Iz Izvještaja o poštivanju optimalnih i predvidivih rokova proizilazi da je najveće prekoračenje predvidivih rokova na izvršnom referatu, kada su u pitanju riješeni predmeti u 2024. godini, a i kada su u pitanju neriješeni predmeti na dan 31.12.2024. godine. Nešto duže traju i pojedini vanparnični postupci, kao npr. postupci uređenja imovinskih odnosa (dioba nekretnina, uređenje međe), ostavinski postupci, kao i postupci u krivičnim i prekršajnom predmetima u odnosu na predvidive rokove, kao i u Mal predmetima.

Kako ovaj Izvještaj prikazuje poštivanje rokova samo u predmetima koji su evidentirani u CMS sistemu, napominjemo da ovaj Sud ima određeni broj neriješenih izvršnih predmeta i u SOKOP sistemu (54 predmeta), pa je već duže vrijeme bio „pojačan rad“ na izvršnom referatu u smislu rada 7 sudija (koji pored izvršnih predmeta rade i predmete sa drugih referata) i 3 stručna saradnika pod nadzorom sudije. Takvo angažovanje sudija odnosno stručnih saradnika na tom referatu, praćeno je i radom osam sudskih izvršitelja (referenti za prinudnu naplatu), što je na izvršnom referatu dovelo do smanjenja broja neriješenih predmeta, tako da na kraju ovog izvještajnog perioda imamo neriješenih 4305 svih izvršnih predmeta. Takođe je važno napomenuti da je u ovoj godini jedan sudija bila na dužem bolovanju (od 15.03.2024.godine do 30.09.2024. godine), a jedan sudski izvršitelj na neplaćenom odsustvu od 01.04.2024. do kraja godine.

Neblagovremeno dostavljanje nalaza vještaka svih struka, a posebno geometara, prouzrokuje duže trajanje parničnih i vanparničnih postupaka i bez obzira na striktne odredbe ZPP-a objektivno nismo u mogućnosti da mijenjamo vještake tim više što nemamo nikakvog uticaja na izbor vještaka u postupku, a i pojedini vještaci nemaju određenu logističko-tehničku opremljenost, sem vještaka-uposlenika Vlade Brčko distrikta BiH.

Treba naglasiti da su na rad Suda i postignute rezultate u 2024. godini uticali obustava rada službenika i namještenika u ovom Sudu u periodu od 02.06.-09.07.2023. godine (26 radnih dana) i problemi u vezi sa sistemom hlađenja u zgradi Suda, tj. sistem nije uopšte bio u funkciji u periodu od 17.07.2024. godine pa do 05.09.2024. godine (37 radnih dana), pa je zbog toga Pravosudna komisija Brčko distrikta BiH donijela odluku da radno vrijeme u tom periodu bude od 07,30 sati do 13,30 sati, tako da su mnoga suđenja odgođena zbog teških uslova za suđenje i uopšte prisustvo u sudnicama (temperatura u sudnicama bila i do 40 stepeni).

Analiza raspoloživih resursa u sudu:

Uvažavajući izneseno u prethodnoj analizi konstatujem sljedeće: broj predmeta je direktno uticao na prekoračenje optimalnih i predvidivih rokova, kao i duže bolovanje jednog nosioca pravosudnih funkcija (od 15.03.2024. godine do 30.09.2024.godine). Međutim, kako je u maju 2023. godine izvršeno imenovanje dvoje nosilaca pravosudnih funkcija na upražnjene pozicije u ovom Sudu, za očekivati je bilo da će

rezultati tokom 2024. godine biti mnogo bolji, jer je novoimenovanim sudijama bilo potrebno neko vrijeme da se upoznaju sa predmetima kako bi radili punim kapacitetima. Priliv predmeta u 2024. godini (59476, od čega u CMS-u 10903) je bio veći nego u 2023. godini (58747, od čega u CMS-u 10153).

Analiza „perioda neaktivnosti“ u predmetima:

Uglavnom, svi predmeti, koji su predviđeni Planom rješavanja predmeta za 2024. godinu, su bili u radu.

Kao razlog neaktivnosti u parničnim predmetima jedino što se može pojaviti je smrt stranke, prethodno pitanje ili prijedlog stranke da se postupak odloži na neko vrijeme iz određenih razloga.

Kad su izvršni predmeti u pitanju, primijećeno je u posljednje vrijeme, posebno u predmetima banaka ili mikrokreditnih organizacija, da se postupci izvršenja prolongiraju za određeni period, što znači da oni, na jedan izvjestan način, u fazi izvršnog postupka preugovaraju izvršne obaveze mimo Suda, te na taj način direktno utiču na dužinu trajanja postupka. Međutim, stavovi viših sudova po tom pitanju nisu jasno definisani.

Kada su u pitanju krivični ili prekršajni postupci, jedini razlog nezavršavanja takvih predmeta je nedostupnost optuženog, osuđenog odnosno okrivljenog, gdje su izdate potjernice ili naredbe za prinudno dovođenje i čeka se realizacija istih.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

Jedna od mjera je bila praćenje realizacije Plana rješavanja predmeta, koja se vršila tokom 2024. godine, mjesečno odnosno tromjesečno praćenje predmeta po svim referatima, u skladu sa Uputstvom za izradu Plana rješavanja predmeta za 2024. godinu.

Mišljenja sam da je potrebno razmisliti o mogućnosti izmjene odredbi Zakon o izvršnom postupku o načinu završetka izvršnih predmeta u smislu onemogućavanja strankama da im se da mogućnost prolongiranja postupka u smislu predlaganja rokova izvršenja, pa po potrebi precizirati kraći vremenski period za, eventualno, odlaganje. Trenutno je situacija da se strankama daje takva mogućnost, a da su oni, faktički, u situaciji da preugovaraju međusobna prava i obaveze u izvršnom postupku, tako da u naravi vodimo jedan, dva ili više postupaka, a troškovi ostaju isti. To znači da koriste Sudove kao garant za izvršenje takvih obaveza na štetu efikasnosti Pravosuđa.

Potrebno je preduzeti određene aktivnosti, mada smo to više puta činili, te vještake, posebno geometre, dovesti u situaciju da ažuriraju svoja stanja, te nalaze blagovremeno dostavljaju, kako bi postupci bili okončani u predvidivim rokovima.

Ostalo: